



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

Broj: A-417-10/18

Datum: 14.12.2018. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“, broj 39/14) i člana 34. Pravilnika o javnim nabavkama Tužilaštva/Tužiteljstva BiH broj: A-97/17 od 25.05.2017. godine v.d. glavnog tužioca Tužilaštva-Tužiteljstva BiH d o n o s i

**ODLUKU**  
**o izboru najpovoljnijeg ponuđača**

**Član 1.**

(Predmet odluke)

Ugovor o nabavci sigurnosnih protuprovalnih sefova za potrebe Tužilaštva-Tužiteljstva Bosne i Hercegovine, dodjeljuje se ponuđaču ProTim d.o.o. Sarajevo.

**Član 2.**

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom Otvorenom postupku za dostavu ponuda.

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i Tenderskoj dokumentaciji.

**Član 3.**

(Stupanje na snagu)

Ova odluka stupa na snagu danom donošenja.

**Obrazloženje**

Postupak javne nabavke proveden je putem otvorenog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 435-1-1-866-3-31/18 od 22.10.2018. godine i Ispravka za obavještenje o nabavci broj: 435-1-1-866-8-50/18 od 23.11.2018. godine.

U predmetnom postupku dostavljene su četiri ponude i to ponuđača: ProTim d.o.o. Sarajevo, Vivex-Trading d.o.o. Banja Luka, R&S d.o.o. Sarajevo i Salon bankarske opreme d.o.o. Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva-Tužiteljstva BiH za 2018. godinu, broj: A-534/17 od 27.12.2017. godine, dopune Odluke o imenovanju Komisije za provođenje postupaka javnih nabavki Tužilaštva-Tužiteljstva BiH, broj: A-534-1/17 od 11.01.2018. godine i Odluke broj: A-534-2/17 od 03.12.2018. godine, članovi Komisije (u daljem tekstu: Komisija) izvršili su pregled i ocjenu ponuda i utvrdili sljedeće:

Ponuđač ProTim d.o.o. Sarajevo je dostavio ukupnu cijenu ponude u iznosu od 68.445,00 KM sa uključenim PDV-om.

Utvrđeno je da ponuda ponuđača ProTim d.o.o. Sarajevo ne sadrži obrazac povjerljivih informacija. U pogledu nedostajanja predmetnog obrasca, članovi Komisije smatraju da obrazac povjerljivih informacija predstavlja obrazac koji popunjava svaki ponuđač ukoliko smatra potrebnim da neke od informacija sadržanih u njegovoj ponudi budu povjerljive i kao takve nedostupne bilo kom licu koje nije zvanično uključeno u postupak nabavke. Ponuđač neku informaciju označava povjerljivom u svrhu zaštite vlastitih interesa. Ukoliko takvu mogućnost ne iskoristi, smatra se da nijedna informacija iz takve ponude nije povjerljiva. Nedostavljanjem navedenog obrasca ponuđač nije iskoristio svoje pravo da označi neke informacije u svojoj ponudi kao povjerljive. Isti rezultat bi bio u slučaju da je ponuđač dostavio obrazac za povjerljive informacije nepopunjen, dakle, ukoliko bi dostavio obrazac, ali ne bi nijednu informaciju označio kao povjerljivu. Na taj način bi se ispoštovao zahtjev iz tenderske dokumentacije samim dostavljanjem obrasca, ali se, opet, niti jedna informacija ne bi smatrala povjerljivom. Iz navedenog razloga, nedostavljanje obrasca predstavlja upravo manje odstupanje koje ne ugrožava konkurenciju, i ponuda se time ne udaljava od karakteristika, uslova i drugih zahtjeva utvrđenih obavještenjem o nabavci i tenderskom dokumentacijom, te, prema tome, članovi Komisije smatraju da ista ponuda ne treba biti eliminisana iz daljeg postupka.

Ponuđač Vivex-Trading d.o.o. Banja Luka je dostavio ukupnu cijenu ponude u iznosu od 62.244,00 KM sa uključenim PDV-om.

Članovi Komisije su nakon pregleda i ocjene utvrdili da ponuđač Vivex-Trading d.o.o. Banja Luka nije dostavio potvrdu o uspješno izvršenim ugovorima u skladu sa tačkom 3.1.3 Tenderske dokumentacije - ponuđač je dostavio neovjerenu kopiju potvrde od nadležnog organa (sud, notar ili općina). Nadalje, tehnička specifikacija i detaljan opis roba dostavljen od istog ponuđača nije u skladu sa Tehničkom specifikacijom ugovornog organa koja je sastavni dio Tenderske dokumentacije - odstupanja koja se tiču dimenzija tražene robe nisu u okviru zadatih dimenzija i prihvatljivih odstupanja.

Ponuđač Vivex-Trading d.o.o. Banja Luka je dostavio nepotpun obrazac za ponudu propisan Tenderskom dokumentacijom i to na način da nedostaje posljednja stranica sa potpisom i pečatom ponuđača kojim bi se verifikovao prethodno popunjeni sadržaj.

Ponuđač R&S d.o.o. Sarajevo je dostavio ukupnu cijenu ponude u iznosu od 70.197,23 KM sa uključenim PDV-om.

Ponuđač Salon bankarske opreme d.o.o. Sarajevo je dostavio ukupnu cijenu ponude u iznosu od 70.153,20 KM sa uključenim PDV-om.

Kod ponuđača Salon bankarske opreme d.o.o. Sarajevo Tehnička specifikacija i detaljan opis roba nije u skladu sa Tehničkom specifikacijom ugovornog organa koja je sastavni dio Tenderske dokumentacije - odstupanja koja se tiču dimenzija tražene robe nisu u okviru zadatih dimenzija i prihvatljivih odstupanja. Također, kod navedenog ponuđača detaljan opis i specifikacija roba nije opečaćen od strane ponuđača, a što je traženo Tenderskom dokumentacijom ugovornog organa tačkom 4.1. m).

Nadalje, ponuđač Salon bankarske opreme d.o.o. Sarajevo je dostavio ponudu koja nije ovjerena pečatom podnosioca ponude, nego su pojedinačne strane ponude potpisane u donjem desnom uglu pojedinačnih stranica, a što je suprotno tački 4.1.k) Tenderske dokumentacije. Isti ponuđač je dostavio nepotpun obrazac za ponudu propisan Tenderskom dokumentacijom - nedostaje posljednja stranica sa potpisom i pečatom ponuđača kojim bi se verifikovao prethodno popunjeni sadržaj.

Imajući u vidu sve gore navedeno, članovi Komisije su zaključili da ponude ponuđača ProTim d.o.o. Sarajevo i R&S d.o.o. Sarajevo u potpunosti ispunjavaju uslove Tenderske dokumentacije i Tehničke specifikacije, te su njihove ponude prihvatljive prije provođenja e-aukcije.

Otvorenim postupkom predviđena je e-aukcija.

E-aukcija je provedena dana 13.12.2018. godine. Izvještaj o toku i završetku e-aukcije u prilogu je ovog zapisnika i njegov je sastavni dio.

Nakon provedene e-aukcije ponude ponuđača su se rangirale na sljedeći način:

R. br.	Naziv/ime ponuđača	Konačna cijena u KM bez PDV-a
1.	ProTim d.o.o. Sarajevo	25.000,00
2.	R&S d.o.o. Sarajevo	25.200,00

Nakon provedene e-aukcije, a u skladu sa izvještajem o toku i završetku e-aukcije, imajući u vidu da je kriterij za dodjelu ugovora najniža cijena ponude, članovi Komisije su konstatovali da je ponuđač ProTim d.o.o. Sarajevo dostavio tehnički zadovoljavajuću ponudu, sa ponuđenom najnižom cijenom.

Shodno navedenom, članovi Komisije su uputili preporuku v.d. glavnog tužioca Tužilaštva - Tužiteljstva BiH za izbor ponuđača ProTim d.o.o. Sarajevo, čija ponuda u potpunosti ispunjava uslove Tenderske dokumentacije i Tehničke specifikacije za nabavku predmetnih roba.

Uzimajući u obzir navedeno, odlučeno je kao u dispozitivu ove odluke.

#### **Pouka o pravnom lijeku**

Žalba se izjavljuje Uredu za razmatranje žalbi Bosne i Hercegovine putem Tužilaštva-Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od 10 (deset) dana od dana prijema ove odluke.

Dostavljeno:

- Ponuđačima
- Odjelu za materijalno-finansijske poslove.

